

荀  
河  
詩  
集

筍河詩集卷十五

大興朱筠竹君

丁酉

溫生景萊黃生仲則楊生荔裳與兒子錫卣同以  
正月四日生歲丁酉是日溫步容舍人以四人  
相值之奇也名客飲之僕亦與席作詩紀其事  
攝提貞陬四四人生同物其三次闕門一索兒始睇始  
和天胎春寅纂子丑吻生二生三初清氣芬苾爨人墮  
地得之經綸以霆霽此間大有奇勾芒芽芾芾東望氣  
正青生理出峩峩水生游浥木三坎泉澤沸四極四和

妙一日湊勃鬱四人應四日會合天風颺景萊乙丑兆  
次二四不遘良金糅良玉撞撼起乃偃仲則在己巳螻  
蛇龍兩措詩成轉靈怪蛭彼千蛄蝓荔裳年十八庚辰  
支祁刺汨汨江淮經澍澍淨坌拂卣兒厠其間乙亥歲  
颺颺跋蹇麟鸞羣勗哉自拭拂今日舍人酒召客來朱  
紱且發四座聽聽我老語諄人生豈有涯力或孱或刺  
所至亦何期命乎非足踰力當敦之行勸學亦無歎慎  
勿忘爾日日在甲勿勿請視歲首三光出如持尉曰我  
生之初照曜心髣髴心光亦有聲微徑那容第歲歲欽  
心聲古人響不訛

哭陳裕齋同年

入臨西安數舍車忽驚友問涕橫加壬寅月正飛花白

庚子人偏落日斜

裕齋庚子生

遺腹尚祈當戶後餘金誰護

少林家離離同歲晨星似可忍頻年賦摘瓜

去冬牧亭今春裕齋

爾真我自歎生劬廿四年來電一欵塵柄雖長情孔迫  
馬文不足慮多迂婦翁書癖同山谷御史言狂亦長孺  
俯仰平生遊處在難爲岑寂况歡娛

題太倉王同知宸所畫明烏程張莊僖公永明四

雨莊圖爲公之六世孫舍人

填作

張公淩波塘上住作朝直臣憶鄉樹令弟爲開四雨莊

日歸一年感逝賦二百餘載愛樹成樹成又毀莊餘名  
第孫舍人懷祖德乞圖王宸手筆精湖趺山頭接銅硯  
澹澹皴痕遠遠見方勝一帶帶平橋繞屋扶疎樹搖颺  
密杉稀柳中有人羣展絲竹纔歸身斯須林下如天福  
人海波濤那可論鈴山草堂彼一時聽雨青詞更製詞  
紛紛楊沈卵碎石劾嵩父子公疏持發驕王辜肅朝禮  
要張四維一任已志行瞥爾思尊鱸羨公待得權臣死  
昔賢一水復一邱非爲童子戀釣遊退能間居進報國  
思人愛屋從無由古木荒荒水拍拍六葉郎君好詩客  
若爲嘉靖詠太冲不堪欵段都門陌我過高軒名記珠

看花幾度酒幾壺人生草草數相見莫負君家如此圖  
溫舍人步容午日偕李畏吾黃仲則諸君遊萬柳  
堂以長句見示依韻和之

荒隅柳老坡坵積前人馮姓後人石偶與廉家塘競各  
草橋剩有波空白此間清絕我數遊當門古柏乾而樛  
萬樹傾欹池未塞野童出入蘆荻洲森森瑟瑟聲生沼  
黯淡蒼涼擅秋杪諸君今日夏陰來木末何曾囀一鳥  
往時益都相公存天下鴻詞文共論長廊短榭窮聲伎  
鏤金琢珥迷花源秀水迦陵兩妙曲坐中下客都非俗  
月中柳態態凝黃風外柳光光轉綠風風月月分誰平

後豪勢奪前豪庭一夜樓成舍佛國磬鐘頓歇絲管鳴  
康熙中堂歸石氏時邸貴欲得之石召工建大悲閣一夕成以家祠謝貴人乃已自此遂爲拈花寺六十  
年來草長徧曩疇氣燄雷驅電蕭條餘燼誤池魚依稀  
舊話徵梁燕今日又勝昔詞華弔古登高妙幾家要通  
畫法兼詩意爲趁斜暉與落霞

大通橋側三忠祠祀諸葛忠武岳武穆文文節三  
公也溫舍人步容有作次韻和之

柴市孤祠接潞川土花九點碧凝烟偏安無地誰浮海  
恢復餘生自紀年管樂心同金必斷漢唐世再火如傳  
或說武穆與睢陽爲桓侯再世一同姓一同名也幾番天壤銘讒鼎寂寞濱論

三子賢

送彭蘭堦同年

吳禮

之官寧武

相見古寺冬相別斜街夏會合如浮萍飛景安可把君  
年五十多我年五十寡俯仰同歲初繫日嗟若若子情  
甚醇至子貌特古雅去作親民官神真跡乃假況我幸  
厚子裏言爲子瀉淺深難獲上甘苦易及下省肥縣則  
瘦不角故易捨彭澤與步兵就之詎遭罵長風起邊塞  
弔古抱自寫書生善迂濶摩挲碑側野請爲一一搜史  
闕賴補苴拓成亟寄我諄囑臨岐馬

丁酉六月十一日諸君招余偕王蘭泉大理同年



集陶然亭分賦余得五言古詩十三祭五十韻

在坐者嘉定錢獻之

圻

秀水王秋塋

復

武進徐

尚之

書受

休寧金振之

耕

烏程張萼樓

形

長洲

胡眉峯

梅

也

頻遊百破關今歌八聯袂北隅僧屋拓齒偏客軒綴好

山窺座青靈潭測底冽壇樹千蚪鬚堞磚萬雉毳夕暉

態狀變中酒譙談厲此飲人盡都我醉語聊饜王公新

從軍去日老同歲偕趙徂滇征釀程茲雪滯

已丑冬余同程魚門

數人來飲亭中作詩憶趙損之及蘭泉兩君

我謠莫慰筒友哀忽驚稅

余在江南

聞損之問已踰時矣

奇功鳳戴孔樂歸墓愈猗握手念疇吟怛心

悟轉偈翩然兩及門特立雙絕世胡情移水山張荻梢

李華鍾沙豈貌矜歆金要心制鳩鳬來撰進蓉荔相集

製錢君文字精目光訓詁質庭井嗟昧韓家裳感誤悵

獻之云家樹甘棠十餘株掃滌開成蕪鍼貶楚金癘東原死獨留辛

楣別共勵笑語數人定呼杯三葉啜旁晚徐更金純章

翬若驚肯序玉臺咏或系黃人祭珥貂文采上履石性

情際我亦得二豪翼焉張六聽昔者蠹書人謂亡友穀

歷之不辭雁宕勤大小龍湫兒穀原有龍湫晏坐圖端正鱗角翬

壯非少者哦秋歷是日分得七言古詩軾有過可逝心因喜咽巾腹

猶痛過轡噫哉燕會良我以迂濶贅猩猩僕此餉蛩蛩

爾何跼甘食詎不精狂口恐非例平生薦友朋非日工  
侘僚願息四坐譁漫以一言蔽易鴻飲食衍傳葵本根  
衛詩稱駕寫遊禮餘茅束蒔我徒享且歌亦復遨以藝  
溫而克漆膠方以類砥礪心之同湛蘭種之美斂穢故  
知斷斷羣略異嘒嘒許此間僻陬景漸遠甚囂勢塵容  
東晉脫冠可子夏敝深語幾席遷薄空忽雲曳隸告馬  
潛蟪客起人避螭言歡眷始終曰去除怙慝瀟瀟風冒  
亂激激水履祿再五弦照照及駟般裔裔路疑斷港纜  
車認土門稅徂暑聊爲娛繼燭未云筮沈吟三桑緣珍  
重一尊掣偶然受之萃瞥爾安可貰

鳥巘行爲李畏吾威作

我聞安溪鳥巘名有石卓立溪心清  
清之水和鳥聲漳之龍溪巘可數  
虎磴仙亭兩巘古仙人有母虎有父  
李子長生巘中人試禮部作中書君  
來爲父母乞告身告身不得疲于奔  
父兮母兮饕耶殄巘中之樹樹上鳥  
鳥啞啞生八九雛鳥哺雛拮据以瘡  
毛羽脫落頰肌膚飛不得也巘中居  
八九雛飛下上呼大脚蝱蟲噉小魚  
風雨襍穢人粒餘粒粒覆地精錯  
犢顧之去啄哺老鳥所老鳥毛羽如  
初李子念哉雨涕俱我人乃不鳥之  
如不得告身歸得乎乞圖者圖鳥巘  
圖圖中皆山山屋矗

屋中之人老而篤旁舉案者旬五六望子歸來有兩日  
歸雖子望子食祿雖有離憂歸莫速海風吹日南北陸  
子夢見親醒頰蹙魂南侍親身北谷千山億水遮重複  
翼窮蹠絕斷行躅子醪一瓶糲一榻若肩而走導我僕  
欽崙側軀砵飛足御風九萬一直曲飯親躬飲屬屬  
見蠟中烏我屋角學烏哺哺罪子贖懷哉畏哉子鰥鰥  
嗟夢一記畫一幅圖成令我百反復有飢嘯者口張鴟  
飼于厥羣長啖之歟其巢歸出背飛襍毛五羆華厥衣  
踈高惡謹駭嘯兒絕所生長死不肥饑飽腐鼠嚇鳳威  
豈復慙烏蠟之依彼人是哉曰何其李子慕烏無乃癡

曷不鴟怖而烏私噫乎天公曰有知性情感動由精微  
降子釐祥素烏來烏烏銜鼓聲聞奇翱翔天扉睠庭咳  
乞子烏巘一曲歸膳羞父母耄耄期烏啞啞啄子盤匱  
子奉子圖親子慈龍巘何所烏巘斯韓公不作我可辭  
行爲子歌董生詩

洞庭

洞庭粘天湘連瀟羣峰廻互相遮邀玉妃瓊女鬪舞嬾  
金翠旒旒風翛翛雲瑟一拊音清嘹九露下翫鳴自調  
一鳴千歲翔廓寥鶴鳴和之撥以挑和聲之玉咸韶簫  
人聲得者老不凋神明仙通非天微方至如川同山堯

金犛秋中月澈瞭仙之降兮被羽翮十千七輪轉遶迢  
來爲嵩遊觀嶢嶢太室少室藥擢蓀采而服之身輕蜩  
中空若聞妙聊聊僑佺相呼上戲嫫翁乎內正御風颺  
繼列禦寇行佻佻况有小鳳桐花么翼我仙兮鏘調刁  
幻作五色雲繞繚仙人之壽與天遼仙真人詩傳不祧

寄錢籀石前輩

人世百年好先生七旬盈士望老愈美詩格別轉精憶  
昨相見初曰自萬君并慈恩七級塔和韻一篇呈青乳  
軒葉蕪蒸光橋水滌再拜懺園亭繼見斜街楹朝賢領  
挹衷國子夢呼名

王中歲王介眉先生住余巷卽今椒  
花吟舫也禮部榜發前夕有鬼告之

云錢先生  
某中式矣

二甲第一籌三年後生請清暑相後先雅集

追老成看花徧東圻尋秋數西城金霞遠峯眺石仲荒  
扞偵綠飈吹葵蕞紫藤搖珞璣古根蝕元植斷幢捫遼  
瑩掘碑唐寺索沿波莽潞縈先生喜稱詩列坐酒吾令  
五千文單雙三百音重輕掉頭天地寬吐響金石正謂  
必審宮徵庶幾琢瑤瓊六經式神聽七變感物誠籟出  
于禺和媚若窈窕貞累累十二碁張張千萬營自言獨  
奧安可道古性情談暢倒百壺走侍鋒一撾但能酒角  
力不敢詩抗頸餘波前輩蓄寡曲末俗怔二十餘年中  
離別別感煢二載黃海役三歲青州征誰歟德吾緬先



生風如飴誰歟學吾正先生立如解平生卧有思縈繞  
岱之屏天門握衣上仙人一坐傾密邇沆瀣氣內秘廣  
奏聲詩者式之得淵乎一以清先生若能遊羣仙略取  
羸豈惟壽無涯要使詩發晶八十香山式九十淇澳程  
連灘歌應節如簣經開籟行當人瑞集導以海國旌味  
醞構李壤韻沸搏桑瀛請圖還鄉水愈我經時醒

送陳秋士遷館和仲則韻

誰橫九秋笛乘月徼清弄非爲遠離苦小別亦愁送明  
河天杼聲製衣要無縫衣彼人間人南北牽入夢別情  
苦難賦江死得黃仲作詩贈秋士獨唱失和衆我亦古

恨人驚秋去莫控每與親愛分不自覺情重仲兮工騁  
情敵芻藘在鞚共我別秋士怛怛我心動此別地不遠  
施的三矢中夜靜坐相憶音或通市閔臨當去無言轉  
類壁蠅凍又若同蛺蝶一莖移他種泣露落清淚同心  
言萬誦世人笑狂嘔情爲吾輩共惟憐西隣邊兩間書  
屋空黃先走破城陳復發覆甕唧唧蠹書蟲去來絕可  
恫吾今勉莊言精貫且傳綜曲豈對寶廳官當問郊鳳  
烟海卽水冰敢曰其我從聞道家蓬萊羣仙讀而哄何  
須浪黯然大笑觀一縱

荆五峯太守

如棠

退食尋樂圖

先生昔守黃河濱歌謳沃澤昨日新先生今守淮之陰  
淮水湛湛人思深姑溪江口逢公偶前輩風流一握手  
斯須公去駐南通予思繾綣無由從十丈松陰東東絹  
清癯元鶴庭除見知公行樂賦委蛇古仕而優學益之  
飛軒怒馬連官路妄語南宮色矜顧榜庭俸祿與脂膏  
似夢相語醒不交圖中一卷呻吟劇民之受福公心惻  
江南雨好晴佳哉無事靜坐非公誰

送錢獻之

秦川匹馬風蕭瑟秋欲老十里五里碑古苔沒官道漢  
隸半蝕裂唐筆恣搜討昭陵陪葬人朽骨那堪攷子懷

下第悲去踏墟暮草剝剝昔戰烈振觸新潦倒阮也慟  
何遲陸兮笑或早且續文字記傳之永爲寶

吾生怕與澹腸每爲人熱絕學誰寶之難成乃易裂高

松吾故人

謂東原

劈斧或一折不惜失聲號莫留曠代哲

子兮旣挺生齊輩推爾傑材大用則非名場失詎劣珍  
重九經文造化補斷缺可語可道古忍子清淚別

芭蕉綠吾桷梧桐青吾椽可堪所愛重千里行三年與  
子爲古交金斷而璞完何以臨岐淚心涌如丹鉛古路  
荒以蕪二千年不芟並坐鄭許君招招在雲端鳥跡人  
莫讀龍文子其肩形雖隔郡縣心定同說研何用寄臭

味玉井峰頭蓮

贈李生畏吾以壽其親

李生來主我春秋閱四載去親之鄉來親年環甲再持  
被入閣直洞屬稟上緯矩折而規周不作媚冶態獨所  
好非官親之榮此貸榮親當如何軍軍國恩漑河潤海  
之涵涓流止而礙生曰吾守官榮吾親斯在九秋月下  
弦年年南極戴叩頭二親佳子遊近北塞山中朱顏酡  
道遠白髮愾父也身如松母也色無菜今年年六十樂  
志敢曰逮盈我一樽酒照曜曰可愛懸弧與設悅天地  
壽初賚人子一寸心南臺復北來親知子此飲萬里無

隔闌僕忝飲中賓鑒生情優優韓子云樂志理得志可  
親生能遠色養酌斗手自概又能有親身丈夫子慷慨  
親知生年年南北飲錯代凡坐客飲者同飽仙沆瀣僕  
歌從生飲易用金魚袋

送金振之

翀

秋清水間山子歸讀書處不獨白嶽雲繚繞如飛絮我  
有山水情子獨飽而飫子去何悠悠我思昏達曙亦知  
經年合離愁難爲怨紅葉滿江南竊有消魂慮

詩禮有古義音詁著在經諸儒揖唐漢後來何伶仃譬  
如野氓隸俚俚行戶庭明堂九賓設烏辨豆與鉶子兮

秀絕出好學先心銘浮名胡輕重慰予眼見青

芭蕉如綠裳薜荔似紅帕自子之行矣色入我恩隙子

寧不戀茲我佇若獨客黃海萬重霞眷子清詩魄能不

歌且謠和子憶汝劇何郎梅華月寒影共淒索

時何數峯亦南

第  
閣下

曹劍亭監司近集有讀洪稚存

禮吉

詩于翁氏樂

圃園中未見其人寄懷之作余讀之慨然稚存

與黃仲則

景仁

並武進絕出才士黃一稱逸鶴

洪一號孤猿余在江南二生及門請業今秋黃

下第北闕而洪亦未獲舉惜哉輒次韻寄劍亭

既嘆其知人之賢而復以仲則告焉

心知雅奏息羣哇引乎圖窮目屢指猿峽三三眞入聽  
鶴聲一一倍縈懷古蘭陵酒難逢醉老太常妻易致齋  
如子憐才何可得兩生異地落天涯

與劍亭交三十年出入離合數矣丁酉之秋復集  
都下劍亭出近詩見商輅書句簡端次石君韻  
丁秋相識又逢秋細數丁年別幾州老去心惟生白室  
人間態自觸虛舟中庭葉減新知輩大雅風頽古賦流  
不易一樽重與論天街莫斷舊羊求

題韋約軒秋林講易圖圖作於濟南使者之署



十年以來解履舄與公再注翰林籍十年以往乘輜軒

厯下亭邊講周易公之講易夫何爲累世經傳寸陰惜

湖壩校士湖水澄令值清秋水落石木葉蔦蔦風蕭蕭

堅樹不拔潛龍跡

虞翻章昭說

此時二子辟咷詔地與易宜

景尤適斯亭古矣斯湖明能手圖之卷三尺我授而觀

玩易象漢晉經師死不蹟誰爲把臂入林人仁智愁探

百姓撫請以歲云秋矣論時哉落實爲公繹姤惟始霜

梔汝戒巽或先庚剋我辟伏莽升陵未易同入林卽麓

不如舍有欲豈逢枯楊梯求食難期木果碩邱園之賁

又何好蒺藜而困亦莫釋偶然杞包瓜以章孰是肯拔

茅斯藉下漸有序大槌暢冥升不息撥本擲所以八月  
臨宜防敢謂七日復可借茲義于林亦于秋變動周流  
四望睪公今講易又幾年身世圖中黑復赤滇黔貴遊  
天南奇不歸林下仍朝席君子進難乃退易非慕春朝  
眷秋夕扶乃信水抑禮火秋光在心空月碧老去何庸  
二氏逃血氣平能觀損益垂簾問且依忠孝倚戶唵還  
任闔闢脫逢東士叩天心秋湖如井今溯昔

郴州行爲黃子金鉉作

洞庭之南南曰郴州在康熙初有黃鼎王金鉉以孝顯  
名于其叟孝子母去背父繼室在堂溫清晨以昏執禮

養無方三藩猖獗吳藩惡滇池苦戰湖血搏差差白又  
人體落生死相往來兵與頸摩揩孝子掖親行殺聲不  
可聽倉皇二親墮賊手拔刀試利擬親脰孝子慷慨前  
兩朽不堪試若斷吾項強可試若刀利羣賊停刀譁何  
來癡兒耶吾刀不試項屬汝汝曷以項試刀苦孝子大  
滂沱此吾母與父幸獲免若刀兒甘試刀色無沮賊羣  
駭咨嗟異哉孝子兵之不佳我兵去汝藉藉他他誓不  
殺汝家懸崖氏裂聞無人此中無賊行蹲循孝子侍親  
載欣而奔飢腸鳴嘶野蕨嚙脣采蕨一捆束易汝米一  
掬采蕨十筐盈易我米一升父兮母兮淪米嚙蕨聊復

生山中慄兮淹留颺號兮鶴呼賊人來不自由巔巖巖  
嶽恐山不深山斷草根腹何以任厥復何有趑趄偃僂  
孝子呼天天呀呀餓死可父母奈何天聞若惻惻孝子  
之孝不可測誰啗厥無有遺物走入賊中作亂骨夜山  
光光射寒月爛爛金在地孝子俯而掇天予金孝斯活  
孝子再拜受金去市濁酒市鬻軒軒將孝子手顧見市  
人行抱其首返入山中奉肉酌酒爲親壽啾啾鳶鳥號  
且翔瞥城郭啄人腸山中何嶮嶮孝子養親樂無殃嗟  
嗟孝子天感樸誠干戈偃息歸休太平百年之樹撼以  
風築廬團團行復山中孝子兒啼送父與母終虎狼夜

來瞰人哀哀孝子虎狼饒涎不可得吞惡物馴天所聞  
孝子生子子子孫孫嗟嗟孝子胡不可爲曰非又殺人  
人以刃自推天不汝窮而餓而珍與錯當汝落而汝口  
關不知猛獸人之懷依而汝怒角之生裂汝肉與皮嗟  
嗟孝子不逢不若人所希子之孝胡不爲黃孝子名不  
死吾歌此以狀上史

笥河詩集卷十五終

筍河詩集卷十六

大興朱筠竹君

戊戌

向蕭節婦

禮經并嫁又七年夫如黔婁隱蓋棺王母君姑兩苦節  
三世爲婦冰增寒養生送死夫不死春秋二十三夭旋  
畢兩百年五旬始婦德比鳳三鵠鵠人生閭內言不出  
無非無議傳嗟難向家絳紗坐蕭母兼男子孝女節完  
開歲四日梅萼放菲菲芳滿堂堂言三湘之濱世幽行  
隨春風發歌斯篇

爲杜尊季題所藏余生畫竹

曾經九子峰頭宿  
釵股瓊芽舌本甘  
誰画數竿如許瘦  
江天夢破尚懷慙

莢薺如雲未可同  
北歸苦憶一叢叢  
不知南客偏工別  
秋浦歆斜盡日風

爲武進莊亦和

變作

宿夢誰呼醒自膺  
鷄搶鵬徙兩難憑  
妙香有夢於何覓  
清氣無端若可徵  
風撲塵埃徒矐睖  
壁開方寸亦峻嶒  
不緣蝴蝶公家物  
未許仙源瞥一睜

劉積齋先生

東寧

待孫圖

叢桂生于南天外飄香粟小松植短盆千尺態自足竹  
竿移種何琅琅搖淇淩三者古爲徒大年想高躅亦有  
紅花榴纍纍子可燭萬里天西種照耀向人旭本根旣  
能堅葩萼定相屬黃磁中有蘭紫莖秘葉綠香乃爲之  
祖孫芽茁如玉衆卉所紛敷君子靜無欲誰歟爲斯圖  
有德以似續

吾賢數前輩王黃何振振日下盛鉅麗賢者清粼粼先  
生乃紹起高調搦雪春行將年八十道契榮期眞花市  
城東偏結構遠宦鄰三年瀛洲侶踵謁車次麟路松更  
簷雲不見三山神斯人信何所眞靈陶氏陳我一敬掘



衣躬侍警欬頻猶龍隱未曜風似在嗣人捧盈當有贈  
酌我意所伸

爲吳芬餘

承緒

題扁舟出峽圖

君名初策士之中君意乃悟峽以外要將外險驗內寧  
名工圖之良有會瞿塘灩澦古堆三一髮江勢滔蔚藍  
萬石尖伺船底過猿啼啼客心懷慙千危一安兩壁出  
此中有命豈容術偶然借喻宦海風鷗鳥心間態不怵  
君昨起家舉孝廉榮親速仕方面瞻淺深情僞人視水  
一葉風飽安先占豫州近樸號易治民力君憐歲君冀  
不波不浪舟觸虛君行叩舷與有利蜀嶂百疊巒百重

險絕一橫乃一縱忽化崑洛眺平遠出峽畫意如相逢  
從今脫請他幅絹不寫峻嶒寫婉孌著君翠竹牡丹間  
清節光風都坐偏

春事圖

忽忽春來意自於天公生色染空虛未知嶺上雲堪贈  
略覺牕前草不除

芳菲予襲何求折桃李蹊成故不言葉落根歸復何有  
此中三十六宮存

送王元勳爲題東溟艸閣圖

上下中槎天闕處客來欲挾驚濤去棋中遲客客不來

獨向溟茫爾何語王郎幾年遊未歸白鶴故故相奔飛  
一朝射策自引罷人識樓中老白衣孰通五鼎退三窟  
吾有海屋奚其物古不可見哦古書若有仙人往來忽  
海中鬢鬢幾點山曉來意撲牕戶間主人起候暉將出  
內視五色通脾肝無端幻現海上閣閣以艸名空際落  
四隅河海坐中央要識人生放眼樂卽成邁勁詩千首  
放入東流亦何有未如閉齒叩三通細寫靈飛經衲手  
桐陰獨立圖爲吳胥石蘭庭作

其桐其椅實離離豈弟君子歌於詩或云桐葉可分國  
古之寶玉伯叔得浙西羣山富春幽桐君陰桐仙者流

後來高士潔好洗傳諸畫筆倪夫子吳君手我一幅圖  
桐下爾立思何如不慕神仙不富貴似與嬾迂略有會  
四十曰彊彊記聞前言往行天豐君所豐在此嗇在彼  
腹儉鄉輕去雪水雪水絕妙茗更精泉清林澗住不成  
飄者北風飄北土來校館書兩餐苦兩餐飽否慘墨色  
非其土風窮日力偷間一編攷地里更黝班鄺判生死  
繞堦無草愁上眉白日幽州淡古來廢書頓悟幻術有  
呼工著我桐垂首不類松間袒右僧當前子下靜亦聽  
桐葉不風露自落桐花不土香自索土不吾賊風不戕  
立桐久久宛故鄉微吟無聲心默解頃刻桐陰綠於海

薰蘭猶穠煩騷客吾見所樂笑啞啞必求其實鑿者小  
正色蒼蒼桐自好適來無人我桐蓋遊熙遊攘不須畫  
卽橫十畝高千尺畫意取足夫何益我欲譽桐譽無理  
子嬾而迂桐子喜桐一葉脫冰雪微此間獨立知君能  
戊戌七夕淫雨有作

一年何事倏今宵仙近來時人去遙况是耳邊驚淅瀝  
滿庭薜荔又芭蕉

黯然惟別遠生哀天更情深不可猜隔歲今朝還復見  
無端徹夜涕零來

中秋十四日泛舟二閘分體得七律

天朗真宜是日遊  
初涼色味近郊求  
露黃楊柳三三暮  
風白蒹葭半半秋  
無限遠山人與淡  
不辭薄酒意俱悠  
登高行遠吾何事  
未要<sub>舟</sub>牽宋玉愁

重源裂帛杳沉沉  
帶郭環流古換今  
栢外飛峯迷遠景  
波中殘鱸定初心  
難逢北水鄉堪醉  
易作東行象欲侵  
不是翁頻携客泛  
來宵月只隔城斟

崑山王君

若常

以刑部郎出知福寧府  
臨行出其

曾大父中書科中書舍人

緝植

家慶圖索題爲

作長句一首

舍人崑山相公元文之壻也

王君二十年間友  
一旦八閩去作守  
名家舊弄高曾圖

動我康熙朝話久 開國承平累洽年豫豐亨大象必  
觀閭閻豪門明索盛聲華巨子徐王先三徐三昆東海  
最錦氣珠光獨無對收羅諸老擅著書雜遝名流號征  
彙附正祛邪輾轉効我先人後須臾得雨雷咫尺局幾  
更雲烟變現看烏測君曾王父醒齋翁當時坦腹匡床  
東喧語徐家貴相貴逸才王氏中書中美服指人室鬼  
瞰蚌鷸相持浪相嘲羣飛有口刺天紛中立無身集苑  
暫瞥焉一顧吾可歸都門祖道送者踰寥廓鷦鷯今則  
有江湖蓴菜古所思不是家鄉愛平遠此中人以徜徉  
顓王山一集坐顧瑛樂錄三舟泛陶峴人生難得壽有

徵卅年間住過飛昇卽窺畫裏松來鶴可知翁與仙爲

朋瑜珥蘭芽晚晦樹長佳兒又名父此畫成來六十

年卷中題者自康熙庚子尤珍始記云作於己亥秋也八十翁先白雲舉沈吟圖

意舒卷好題者磊落羅諸老曾孫更索鄙人詩束手前

賢都秘寶十四年前我作誌乙酉余爲林莖先生孫鳳岡先生名鳴作墓誌銘

從翁孫遊發古喟十四年後題翁圖 國初典型此髣

髴况復瑯琊與太原覽祥渾湛從誰先莫誇東晉烏衣

族要并西京折阪賢此圖信美君家重世世能書何足

誦格高重嘆醉有鄉勢熏絕倒門題鳳我生好古古忽

過逸情遠性圖中多行矣太守好什襲玉峯嵯峨爾奈



送溫步容

喜與溫生識乃在辛歲端小年蘭成詫奇對終童謹初  
交我往歛後晤我來皖五載重見汝四秋永言歡敢云  
韓御李嗟如軾逢觀玉山朗交手彤日娛送九一朝相  
從遊萬事夫何忤天都景正麗散官行且趨西嶂翠撲  
人東波綠激湍方舟戀蒹葭連駟峨嶺荒祠弔宋研  
傾塔捫唐刻高句驪有築陀羅尼餘塼欹欹攀萬柳纏  
綿非一崙看花紫瓔珞餐英黃鬢髮遊酣三三影醉倚  
九九盤以此贗作數誓分風騷半飄飄古初心寂寂詩

書鑽非獨芬葩奇要令澹泊完子情遠于鴻子文麗于  
鸞愛矣飛競匹樂哉聲相囀閭闔靜若隱閃睽靈奚貫  
元妙忘魏弼風度陋晉潘年况日初瞰地絕海之番心  
心晨夕素落落今古敦胡焉憶新尊言將遵舊礪笙詩  
曰前志門子心所愴櫛縱閱潔盟粉餌思羞粦父母尚  
康疆室家且團圞戶網長踦蠅砌嘒垂喙鶴四載嘻不  
瞰萬里勞空轡斯行甚忠信具語非欺謾握手揖臨祖  
執轡駕待信十程早繼赤百壑寒枯管狐冰河間走鶴  
松岱宗官紅花驛魄冷清江浦潦漫南朔一界畫金焦  
兩點癡梅花維揚破竹葉姑蘇藉金牛西子照白鳥東

臺弁富春圻跼蒿桐廬堆蠶匾東南秀目飽江山妙手  
搏我昨心所醉爾遊憶或酸從此常玉轎直下洪鄱窠  
灘聲雜啼猿埃影瞥飛轍開落屢嶺藹離會韶石磐羅  
浮醒鄉月燕雲憶塞垣堂上肅拜跼內忤盤桓去顏  
木綿紅歸衣勺藥襲將子潔白軀奉子甘旨梓椒醕戊  
冬逼綾餅庚春寬勉竭四序養不易三公職獨我思寥  
寥爲爾心溥溥槐榆庭碎霜薜蘿牆旋颺郁李行漸頽  
沿牆又感牘林遲文翼鵲山阻獨角觶吾情木則非子  
美龍之蜿蜒何堪經年別送此遠道曼願躬玉與金在記  
廣且胖離索各勸學慕受匪彈冠曰依古仁贈矢勒諸

嶺巒

次施錫蕃韻贈之并簡仲則

小陽月倍惜良辰惻爾單寒意若親清是詩人原愛冷  
病非君子不妨貧落墻兀弄姿奇瘦蟋蟀癡疎韻斬新  
恰喜街西假屋住呼僮開徑略無塵

纏足名山久放騰看花蕭寺近堅冰鄭虔傭字庭紛葉

匡鼎談詩壁共燈

時生主黃仲則家

加愛末由供草蟹去憎真

是刷盤蠅過從晨夕渾閒事我輩鍾情忽不勝

爲施生題雪帆圖雪帆卽生別字也

清標遺寫自詠辰略覺前宵風雪親姓字如乘空遠妙

文章轉以麗奇貧歸流最穩寒沙落鄉思頻淹脫木新  
何日一舟橫絕調紛紛亂撲化衣塵  
殘霜強起怯雙滕遵水還驚滿眼冰有夢仍迷羣鵲樹  
日歸略認一漁燈荒涼地記蹉跎蛤冷落心空附驥蠅  
誰取鳥飛人絕句移來小幅要情勝

寒樵圖詩爲陳靜山

一章作用六止韻

韓曰董生山而樵士以樵養無媿士揚云樵有笑士者  
士不如樵笑由起陳君作圖自稱樵一官火掣去甫仕  
不畫與馬與僕從柴捆橫肩足行李豈有感彼取之貧  
自食其力從此始頌歌十千春發耕必有農夫錢罇廚

風人爲輪伐坎坎不素飭者曰君子斯誠古義今豈聞  
掉首從風射馬耳自圖一冊自抱走徧索諸公贈言俟  
濶哉夫子古樵夫要談王道祈天祉聞君讀書懷利器  
心期有合遊燕市餘事工書并工畫新建尚書得而喜  
長卷大幅佐供奉

天顏含笑譽溢齒卽有

殊知命不遭姓名未進尚書止傭書館下又幾年畫無  
能役字驅使皖公山色昨招人去就微官傲胥使才長  
任短何足道此省山奇顛到趾潛霍南奔昂大龍浮渡  
厓浮籟吹裏過江九子戲空天白嶽黃雲走地駛石壁

嵌空粒土絕松根粒掛歎霧恃異材兀莽壯峯重亂蘖  
杈柯媚壑底長鑱木柄杖而遊天地自然取以禮窮秋  
嚴冬斧斤入身所負荷心自擬此間官要視此樵計薪  
差祿夫何耻所居或有三間屋看雪漫山瀑濺沚縮項  
忍飢口呵凍不放追呼鬧夫里徒餘四壁臨危約尚有  
雙馴啄淨庀吾肩能擔歸去來一寒如此君其似

贈曹慕堂同年次其去年自壽韻

視我十年長同已間一九五十我初艾六十君稱叟天  
都兩閒人生趣天獨厚束髮記同年人生亦非偶相從  
話平生要之以久久君不飲我飲良會必携酒名藍或

古岫勝處相追走年年看好花好色此何咎曷能澹與  
泊三彭烏用守干支已略周先難易爲後今歲梅花早  
寒交共君壽

甲戌題名初辛楣年三九千里來寄君賡和效白叟我  
亦師其意有間入無厚王紀各張軍兩大非吾偶賦詩  
止四人去日感其久願得晨夕見見則中以酒吾儕息  
壤盟生日遣杯走胡爲久寂然誰歟執其咎所當按齒  
籍火攻發墨守一月再三飲必罰至而後更爲詩寄南  
補稱老錢壽

送馮庶常

敬昌



子家南海偏宅近交趾樹天香通骨理不獨華比附八  
年來京國唐寺一弟寓讀書坐行行聲和枯僧屢肆焉  
工古調秦漢氣沫响下筆爲長句爛爛豹隱霧贈客羅  
浮遊惆悵古仙遇遠遊賴良朋唱和真赤赴溫生比梅  
花昨去子此住瀛洲亭若冰歸思水南注今年官信美  
慰藉久客趣父母晞彤雲子留亦所懼矧子抱至惻行  
役尚慎賦羣公勞勸挽口血歎如雨子孝不可留子衷  
彊自裕力學無道遠情芳有本務六藝根柢成萬里飢  
渴足情在莫改辛日近尚懷煦近子時相憶素心行復

聚

王瞿氏年三十夫得心疾出不歸氏事姑撫子及女爲子娶婦魏二年子以療死魏鞠子希閔有立乾隆四十一年得 旨旌其門

沅水清清兮魚之逸夫遊不歸兮心有疾石之不可以化兮望日日日瞿瞿兮懼妾氏之不如不慕姜與姑奉事君姑兮儀子與女一教婦如妾兮妾躬畢

冰寒于水兮水還爲冰邁天粟刻兮人則成人之成兮妾天之死妾之道地兮妾姑似謂不祥兮姑及婦稱未亡謂祥之祥兮婦于姑有光當塗高兮坊擬闕有魏繼姑之節兮刻石視年月

戊戌歲晚懷人八首

何數峰 青

乾鵲晴呼未茁林，歛西流有出山音。  
桃花會面逢春邇，江水悲心積歲深。  
思汝何堪寒欲盡，加年恐是老將侵。  
倚梅吟斷何郎句，香到橫枝太費尋。

李畏吾 威

烏巘圖罷棹逶迤，幾樹庭飈臂發吹。  
三月看花喜爾合，四年聽爆感予離。  
古經猶自高堂校，遠夢曾無小閣窺。  
閭俗黃羊如報祀，知應節候憶燕陲。

汪劍潭 端光

寂寞才人滯水邨故園尚倚九峰尊  
虛齋樂府徒相媚  
繞郭花叢不見魂  
風月無期人易老  
江湖有信語餘溫  
轉因改歲思君切  
燈後琴前影欲昏

陳梅岑

熙

山空月冷步清宵  
小別何堪去日饒  
送遠九秋悲宋玉  
懷憂千歲感王喬  
綠楊近郭寧須戀  
金馬高臺尚爾招  
一市奇琴行購取  
年來詩定滿行瓢

陳秋士

宋賦

來約春三似有因  
凍餘消息斷河津  
強憑叢桂仍招爾  
莫說啼鶯竟戀人  
冰雪難成晚歲夢  
山川若問索居身

鳴珂巷里名園客且和紅妝椒頰新

聞九月新婚

金振之

翀

京秋歸不爲導鱸知爾春風會有圖計傳早乘新水綠  
題名舊例古城孤長思曲在詞逾妙善病人來意甚都  
聞道江南今歲雪鴈門愁絕或懷吾

溫步容

汝道

同心言倏變離憂滯俗誰偕越嶺遊風雪前宵入跡在  
海江遠涉我思悠彤雲石洞軀難送翠羽梅花夢或求  
不道南枝攀折處冰天吟歇古幽州

楊荔裳

芬燦

幾年出砌苗蘭芽逸足行看千里除古學終期絕域業  
驚才早稱小兒家遙憐送遠詞攻火謂令兄蓉裳有甘肅之行不滅  
盈懷句愛花荔裳有椒花吟詩故云相待來時成刮目寒塵  
凝案忽排沙

巳亥

椒花吟觴對唐花示諸生用余伯扶韻

唐花姓唐巧能時奪得先天春色媚遺法流傳近拜郊

今豐臺人善爲唐花古詩云豐宜門外拜郊臺也

溫室騰騰火難地旗招北斗

厝厝魂女伴眞仙來瞰人江南花事且次第律吹黍谷  
回全春昨宵守歲吾須酒酒却須花花放久載來問字

幾輩人吸盡三春艷入口陰舫斗大花相憐得志不與  
時爭妍牙籤萬卷香百合坐中雜選人皆仙對花斟酒  
要細細略欲歌詩亦此際古云樹木更樹人君輩期爲  
百年計

疊前韻

絳桃顧笑感人蔣白桃編衣靚不媚玉樓傾城向我開  
恍惚移來洛陽地海棠未醒春睡魂酡顏褰幃雙麗人  
此花丁香却同候酷香偏欲偕探春探春花似丁香而香酷吾欲  
花醅澆用酒初夏憫忠遲信久凌波羅韞妃何來金盞  
銀臺人一口惟梅應節最可憐五種色異相爲妍夢回

栩栩玉蝶舞洞深  
窅窅丹砂仙紅淺紅深意入細萼綠  
華心淡無際坐花一室換年看肯負花光吾得計

爲王少林

嵩高

題東園圖

岫雲不出行采菊涉園成趣東籬足石多人少侯作官  
鑿墉臨杪記必觀乃知通人無不可江山到處周旋我  
寶應王郎早有名分符漢陽人未驚隔江冠蓋來如雨  
朝饔十萬公且去凌濤巨盜竄數輩戴汝頭來吾縛背  
人間吏事何不能大官牘薦朝次升却顧鳳棲山好處  
先公藉山有掌故此雖傳舍吾肯搆大江下飲山餐秀  
回軒曲路處處通樹之梅桂松柏桐最奇石洞石自鑿



外人不道君獨樂偶然寄興非其家召工圖出隨行車  
適焉北稅畫我視中有洪崖拍肩字謂洪素人別來契濶晴  
江水眇眇愁予宛在此洪去三年王再見此畫此園魂  
魄戀丈夫所至有留澤無負江山斯亦得忽思遊戲屬  
仙人東園青松何必真

贈太平周泉

君家屋前看天都煉丹臺滅軒轅書峰峰似有古篆跡  
潤痕屋漏痕不如一朝棄去四方走盜竊精靈腕底有  
在昔繆篆偶試之漢庭官私印得手昨秋過岱想斯拓  
瑯琊刻石未焚落今茲更復秦中遊說文偏旁陋朱作

五陵百原土蝕花綢繆綠沉漢印佳雲陽何人佩銀紐  
出土媚向他生誇前年癸巳嚴舍人長明遊陝得董賢銀印余在江寧見之前水後  
水流無主紛紛好事印漢譜姓名輕重一片銅獨涕愴  
然不見古周生摩挲日三四古人骨朽剩幾字命官白  
事聚訟來日力費盡渾閒事我亦喜注蟲魚人老寫六  
書尊許君摹印專門世何有奏刀嘆爾真絕倫點畫毫  
釐刻審訛人生一失千里多何如歸卧少游里休強論  
文學伏波

送石君主試福建

用十八尤三十六韻

嘉慶

十六年外不得休還朝重作閩海遊君初三十督糧出

謀民衣食剗神牛

時福州有潘祀祀牛頭神能誣咒人石君立毀其祠

間法常袞

廸諸士手栽松箇參天修我曾一過略摩拭秀民半是  
爾所收十年周干君又往定有奇寶出海浮世間所貴  
但珠貝豈知人得真天球挖舟踰嶺爲底事心有蜩象  
須元搜候官暨閩信宜髦泉漳以往奉魯鄒吾家文公  
遺訓在南宋一綫虛齋留後來學易俟天壽周程并邵  
惟道周茂才經義奇以法必有英絕爲之酋若能三試  
瞥三萬得其鱗角麾羣鯨棘闌朱衣尚有鬼閩俗至今  
機鬼云關  
有鬼余爲我點首奚神羞此事爾才足了此與爾談勝  
不禮焉

雲兼舟燕陲中間趙口始水鄉風景色已柔浮屠高指

景州堞劉智社越吾鄉陬靈巖緣山欵岱戶玉皇頂上  
衣吹裘循墻疾走徑東魯沂沐許率黃河咽從此舍車  
縱鷁首江心樹盡金焦儔六朝零粉雜流翠闔閭壯絕  
夷光尤一邱一湖聞讓見妙入處處魂予愁東南最奇  
富春冠七里灘送嚴陵秋雙臺歌哭前後謝鋪江雲母  
蘭溪悠前頭江盡諸嶺露仙霞桂樹飛泉抽大竿小竿  
竹覆石清風嶺度香颺颺一洗水口告稅駕回顧百惡  
灘歎歎故知山水險逾好昔遊心醉今忘不惜哉武夷  
未曲討建寧岐泣何時酌飄飄空天三片石江郎爲爾  
心飢調三昂附神垂古記我行憶爾不自由爾今行過

更憶我此間詩要千綢繆古今兄弟況我爾每到勝處  
驚離憂能無有情感此石欵段鄉里夫何求輜軒今昔  
共此役因緣文字遭已優子兮四方志未已向來風木  
忽已道詰朝又爲佇立送倍覺聽雨前宵稠連日

書元郭昇手蹟後爲桂馥作

小雪晴沙不作泥疎簾紅日弄朝暉年華已伴  
梅梢晚春色先從草際歸天錫爲明叟書

聶乎爾注明叟名莫是求書方仲明郭昇客杭日記云至大元年戊申

月廿一日客杭方仲明寄紙求書畫情緒不佳週一二日下筆戊申十月廿一日不佳

情緒筆轉精客杭樓居好相呼索字更有義興儲日記云九

月初六日儲叔儀隔河樓上見呼出紙索書具酒晚飯十月初九日登舟還義興相呼午飯出紙求字金

鐘親搜曾覲篆玉簫行乞吾邱書

記又云十月十八日遊鳳凰山萬壽尊勝

塔寺有金銅鐘一口上鐫淳熙改元曾覲篆字銘又云十九日見吾子行寫篆字相送仍取玉簫爲吾吹數闋

此筆分明文敏式元同觀中曾會食

記又云九月廿七日元同觀見趙子

昂時郝左丞坐正席子昂問都下事

不須釵脚問顛師似學花鬚弄春色

春去梅梢却歸草五百年來楮墨好泥雪模糊鬼錄人

何啻杭城舊遊老

記又云九月廿六日見湯北邨說蕭元白曹梅南戴祖禹金子仁胡穆仲

皆爲古人可惜再到杭城愈覺舊遊之落落也

一幅紙本桂子收八金市得珍

天球安得詩人老厲鶚寫共先生日記留

揚州吳岷東所藏郭天錫

日記真蹟四冊杭州厲鶚樊榭借鈔至大戊申客杭一冊鮑廷博以文刻之知不足齋叢書中

### 贈巴澤昆

黃峰隱隱闕仙廬家住河西古歙州十寺烟雲爲供養  
一溪湍激足悠遊中年絲竹情逾靜近砌蘭瑜色倍柔  
計較人生底是福飽餐園笋更何求

感醫

誤亦何堪數庸庸未足論不期薑桂性偏殞蕙蘭身天  
運炎如此人心盡最真重泉太草草無處證前因

南臯店或云是琴高之訛也

去城十里淨無埃秋雨前宵驛館開經學黃巾悲過去  
仙人赤鯉愛歸來吾生行役緣難定故里浮游計已該  
略識無弦撫弄意非關千歲慕嬰孩

樓桑鋪

西偏官道古時村野鋪名殊妄自尊羽葆遊初矜大耳  
芳蘭言忽忌當門英雄文學防相處世代坵墟感莫論  
微覺唐碑新洗得去年戊戌友人以唐人廟碑拓本摩  
見餉未甚剝落前賢之語誤也摩  
淨不及憾空存

郝女君祠曲

九河古杪亂落海女君祠前石如洗青衣童請十女聞  
錦茵坐水如平地漚夷泄咽簫鼓聲窈窕浩蕩空無情  
告家莫悲期四月刀魚歲歲供親羹生世難逢水仙匹  
妍夫上馬石立一莫愁春去秋又來祠前樹嚙黃鸝鷄



二千年紀魏青龍靈來煩語東海公人間早晚不稱意  
爲捲天上黃河空

毛公舊館今爲道旁堠坊

士不通經目欲瞠毛公舊館堠邊迎西河弟子人餘幾  
北學淵源跡未更傳佚名亨懷伯氏功深箋鄭例酈生  
吾行南去鄉人告一語還須宏漢京

馬家橋卽馬頰河入海故道也

縣名以諡漢西初記里城南跡未淤代得麟尸依獻冢  
縣志萬曆十八年縣東尹官屯尹振家牛產麟而地留  
斃遊士耿橋以石匣葬于獻王墓左植柏爲識  
馬頰補虞書九河名近滹沱在一姓都開樂壽餘官柳

蕭蕭橋半圯古懷滿目蹙躊躇

富莊驛館示何生數峯陳生秋士徐生章之用高

達夫汎清河詩韻

縣在驛之東三水交亦宜我來若有會喜及水落時况  
茲二三子婉婉工文詞取屢在稼穡伐輻歌淪漪來晨  
上弦照珠光非復池感我後車載惜彼周道迤華雲漾  
中宵離合恐有期今夕且繼緡館燭如淚滋

九月九日登景州開福寺塔

秋陽老晴空去上浮屠高我將之聞遊故土越此逃况  
當九日初茱萸醉清糟獨携二三子放膽足不勞初捫

元豐石妙筆常公搦書知脩縣事施甕全家褒乃知脩  
宋縣名不金原叨史書地闕失金石文完牢直上十三  
級風發矢颺颺俯瞰郊井樹萬萬吹牛毛瀛海島氣接  
空際疑波濤古時幾人來客意與我陶何必引大白高  
步斯已豪日昃射遠光行色與之遭勝處會吾適此意  
付爾曹浮生亦何定信美今遊遨去去莫回顧長歌卽  
揮毫

劉智廟

綠露半野屬桑麻三國名傳劉智家齊趙人喧名德遠  
北庭村共素心佳田疇自愛中盤隱毛壘猶芬舊館葩

吾敢謝墩爭介甫故鄉今夕惜天涯

德州道中用程篁墩韻

昨宵故鄉塵吹我山東去夢中渾不知似有戀戀處覺  
來憶所親淚溢忽難禦浮生譬天雲聚散豈有據四方  
方未已努力叱我御回首西山客相送別胡遽道旁迎  
新人齊風歌堂寧越陌懷同聲相遠日以懼陵晨發苦  
早遠色送遙曙蒸蒸土外霞鬱鬱烟中樹我行去千里  
念之少歡趣何如椒花下圍飲共題句

蕭望之

平原太守

蕭生經術尚桓桓過此猶驚風力酸霍氏事因作郡上

蘭陵人亦卜鄰官性剛徒以師焉喟治最還須學者端  
劉向周堪差我輩恭宏底用徧交歡

匡衡 平原文學

可憐馬矢傳俱成樸學無端祿位營何必宰官文學好  
不煩議禮說詩精衆人願解遊莊嶽萬福原深道性情  
後進勉將毛鄭讀莫徒虛震稚圭名

陸機 平原內史

三國杈枒二漢材建安以後關雎萊排江才思真南絕  
貫耳家聲竟北來豈讓雲間難弟擅偶依屯氏貴王精  
驛亭莫漫粘文賦

所過驛館  
輒書此賦

嘹唳華亭鶴可哀

顏真卿

平原太守

曠代誰能翰墨爲神仙  
忠烈兩逾奇中丞識面須相砥  
刺史何名竟不知北郡義連爭  
草檄東方品逸暇書碑  
于今後死過惆悵無處留題野廟窺

過禹城作

禹貝餘聞古徑迷人來  
官道渺何稽祝阿城郭軒雲闕  
潔水波瀾穆釣溪佛手臺桃中外  
味東坡枯木淡濃題  
風流似此應難覓側耳荒郊遞晚鷄

齊河館中作

晏子城邊短草青  
豚肩風味有餘靈  
望橋數問徒河涉

感饋深慙野非亭不腆公羊儀曰享知非陽虎諾還聆  
此間情僞都能慣官驛吾曾三度經

玉皇頂

絕頂重來莽不分飄飄吾適入氤氲屈原賦敢支離問  
謝眺詞應呼吸聞遠役如忘香案吏生遊自擅玉樓文  
下經嶽廟仍晴飯貽睟身衝風更雲

十六日宿羊流驛二首

叔子徂哉風尚流我行千載恰悲秋覓環此地提携弄  
置酒他山魏魄遊生不酖人逾磊落死何恤後任浮休  
無因五塚樞衣謁一度經過一滯留

小泰山邊古思盈縣名新改故祠營三公折臂真齊物  
二石書功大喜名裴革意俱馬援達投壺品似祭遵清  
浮生逆旅昏昏過判取今宵逸夢成

泉橋

沂水驛遠縣我來莊宿堦詰朝發五里泉橋問名果陡  
然肩輿入荒村破橋墮橋旁一方井珠璣飛細瑣橫溝  
冽水穿韻客此宜坐老柳覆半黃折徑似升墮石爭戴  
土出卽人肯程裸奇首與秀理雜還美而嬌又若憎輪  
聲勇劈怒掀簸可憐大通上日遭覆車禍夷光自覩居  
莫母笑何巨竟令此水石蒙垢生瘡痍我欲告好事購



此百畝夥改官路曲之讓地貯嫫媼短垣繚四圍扣泥  
洗顛顛峻嶒露真態皺瘦透懸卵疊爲山層層泉滴華  
上朶韋杜眞誤汝無人計斯妥柳州語顛倒安用日灸  
輟癡哉我太息愛欲干苞裹夫豈燕石寶卞璧璞微橢  
紛紛行道詢迎送眇與跛天運會有轉吾言踐或頗他  
時名勝成來遊定秉火

宿遷道中懷古四首

伍員里

霸吳慙喜沼吳驚蘆葦怱怱逆旅行異日使來聊屬子  
當年名急竟辭兄空悲鑄鏤遊魂魄尚有峒嵎壯閑閑

此處投金人不一莫須乞食始全生

項王古城

自王彭城旋自圍古城遺築是邪非壯夫豈信書當學  
故里真宜錦獨衣早歲英雄廿四起過江子弟八千歸  
人言不願家爲帝半曲何從震爾威

朱翁子別墅

淮南池館盛遊遨別墅西京此古豪邸客偏知驚印綬  
閩人故耻讀離騷加年逾五徒能貴長史偕三未足高  
精誦兼樵成爾爾可勝麟角嘆牛毛

石崇閨

一曲明君已絕殊石郎新築照凝膚眼中如土鱗鱗媵  
幃裏流光瑟瑟珠樓址驚聞昇玉女聞名怪底辱金夫  
不貪客望波中氣夜夜應飛雙赤鳧

夏墳山

孝子夏先少喪二親負土成墳數年不勝卒于此山也

穀紋皴皴一江鋪古孝爭傳夏塚孤未死願爲精衛鳥  
終天轉類畢逋烏石山力盡橫雲戀蘭水香流宿草枯

建德縣南里較遠驛程更補道元圖

水經注云建德縣南有孝子夏先墓

按今夏墳山卽下橫山在今蘭溪縣南也去建德南百餘里矣

青陽灘

青陽灘外幾人家舟攔頻扛處處佳短樹楓靨紅艷冶

淺流石髮綠欹斜小園隨意圍叢竹古錦無心裂晚霞  
連日江行茲絕妙留將好句北歸誇

宿盈川潭

秀絕東南碧一瀆荒祠何處夢唐文虛前王後名開代  
浙水衢山縣爲君武后如意元年析龍邱置盈川縣元和七年省盈川入信安今城址猶存  
龍游之盈川山下盈川潭在焉樹不勝紅悲隕穉石猶似錦媚斜蹙裴  
公皮相良卑論異族均才只子雲

望爛柯山

斧柯濯盡響琴低絕壁仙人斷往蹊過縣年荒如意遠

記程景妙信安西

武后如意元年析龍邱置盈川縣後廢入信安今在龍游縣境劉郎

集 卷十一  
麻飯微微飽陶令桃花處處迷  
棗核一枚歌四起今宵好夢到鳴雞

舟泊衢州江上

茲遊冠絕夢頻牽十日江行又十年  
遠趣昨盟鷗鷺舊幽情今暢竹松前  
幾灘白石墮秋水萬點寒鴉舞暮烟  
詰旦黯然成別汝去看諸嶺踏剡天

衢州陸行

陸轉城門南更東富春別去略怱怱  
空枝野樹饒烏柏短堊人家半綠櫻  
諸嶺十程真可喜小江百里尚堪通  
青湖此去青無限應許黃家畫筆工

企嶺

奇景心疑夢自捫  
又來輿轎逐狙獼  
湍漂石頂紛成怪  
罅劈雲端似有門  
間貼皴樟藤小小  
競梢穹竹壁尊尊  
高危來日愁巖度  
未怯今宵平地昏

宿文溪書院寄范樸亭

破除昨境一沈吟  
謠詠何妨客善淫  
海會寺同樓上望  
江郎茶對樹間斟  
湖隄鬢白驚離久  
十日前訪君  
鬢盡白矣 閩嶠  
賤青愁歲沈珍重  
先生眠食健文溪  
可許惠然臨

三卿口

三卿口裏驛偏通  
莫是桃源花未紅  
萬濺聲穿石子下

雙鏡徑覆竹陰中加裘轉覺膚生慄娛眼纔疑色不空  
忽悟浙東西盡處圖窮叫絕畫師工

過浦城臨江街余氏喜緣堂堂爲深陽史文靖公  
總督福建時書聯于此後公次子侍郎奕昂初  
自福建按察使擢廣東布政使重過此堂題曰  
喜緣者也余甲戌會試實出文靖公冢子贊善  
公門頻讌謁文靖于京師 賜第及吾師奉文  
靖諱歸服除不補官卒于家又數年矣今年已  
亥冬十一月余督學來此是秋石君先主試此  
省往來並駐節此堂余感喜緣之名之輒有合

也爰成七律一首他時併刻諸堂壁以作談據  
焉

相國宏才節鉞除喜緣題字次公誇鯉庭門下撫衣久  
鳩杖人歸哭寢遐今日雙星使過感他年一室話稱佳  
斯堂慣是羅名句又數聯珠燕舊家

過建陽長橋謝疊山先生賣卜處

橋亭幾圯幾揚塵一片橫山翠逼真又過趙家懸卜地

曾瞻唐寺憫忠身侍郎史闕徵垣硯

宋謝侍郎卜卦硯  
程文海銘之今藏

宛平查氏按先生嘗爲禮部侍郎  
宋史本傳失載見續長編可據也文海銘存感故人最

是大溪聲不住若爲放膽激湍新



過清曠亭亭爲歛程廷丰丹谷官建陽時所重建  
也昨遇君樞于仙霞嶺中今重過此亭感賦一

首

構亭人是昨遊非黃海高談聽若違

余初識君子魚門  
坐中爲談黃山之

勝雲谷寺奇鼓勇上仙霞嶺好閉關歸大溪烟月餘清

曠思樹楓杉尚翠微美宦故交知孰勝略多繞檻一歛

歛

建寧道中

我家章句著閩鄉使者重乘驛傳涼清曠北來雲數隱  
建安南去汎偏長照帷膏汁饒茶柏灌路泉聲足稻粱

南宋風流應好在可能箋注漢儒詳

金沙道中

杈牙石露水棱乾皴綠山山色未闌干翼蜚聲呼暮艸  
幾林楓葉照涼灘情懷祇覺詩宜瘦節候如知客畏寒  
我自官閒携好友何妨十一月來看

雨上白沙嶺

不信人稠石可稀晴佳未覺雨偏非飛輿與瀑分來往  
逸服常楓互炫輝霖霖轉爲山作態迷濛似挽客無歸  
白沙嶺又清風嶺繫戀須消蒲一圍

宿清風嶺館中

我來微雨又濛濛  
路滑清風草徑踈  
低唱柴蟲行不得  
小飛翠羽意俱幽  
山中有蟲曰柴蟲鳴  
樹間則曰落客止  
穩眠良夜聽泉  
瀑樂飲嘉賓指桂  
繆勝處難教孤負  
去他年誰憶此綢  
繆

入古田界坊

唐開元縣界茲山路  
黑真疑守淺巖墾故  
三峰老峒綠林寒  
一部亞邱殷絕厓松  
掛仍來輦荒古泉聲  
涸泮間雲頂前頭鶚  
鴒語柳侯又嘆庶生  
艱

登秀嶺至水口

無心岫外偶然招  
上嶺人來道已遙  
一響耳邊噴瀑合

兩峰足底出雲歔陰厓絕想銀花背別壑間看紅樹霽  
問驛又呼小棹去此心如水卧今宵

贈楊廉使桐山

延樺

三十年來視弟昆拖舟踰嶺晤同門枯腸飽我晨花麥  
淡味懷公冬菜根

頃以北麥及黃芽菜見饑余甘之

久任累遷治上上

齊聲諸郡惠元元芬芳名好誇吾里官與寒梅通夢魂  
己亥除夕次陳生豹章韻示諸友

又過五十一番年勝客偕携好肆筵盡臘須浮陳橘酒  
先春已放小榆錢似稀爆竹微懷土絕艷紅茶急著篇  
連日聞歌太曄緩不煩黍律爲廻絃

李詩集卷十六終